

SARA CLAUDIA MICULAICIUC

D Maila | Bertsoa | aipamen saria

Sara Claudia Miculaiciuc nauzue, Ordiziako Oianguren ikastetxeko ikaslea. Nire zaletasunei dagokienez, filmak ikustea eta batzuetan irakurtzea ere gustatzen zait. Egia esan, ez naiz orain dela denbora asko idazten hasi, baina askotan esan didate irudimen handia eta adierazpen ona dudala. Honek asko animatu ninduen. Gainera, idazteak nire ideiak orri batean adieraztea ahalbidetzen dit. Besterik gabe, nire bertsoa gustatzea espero dut!



FILTROEN ATZEAN

Doinua: Ispiluarena (Lazkao Txiki)

Pantaila gaurko buruzagi,
filtroek kendu zimurra,
baina nik pentsatzen dut orduan:
«kenduko al du beldurra?».
Bata kentzen du, baina bestea...
zuk ez sinetsi gezurra,
bilakatuko zaituena zu
izatea soil ikurra.

Seguruenik besteentzako
marka bat izanik ere,
zu izan zaitez berdingabea

ez jarraitu haien lege;
bestela esklabotasunera,
ez eman haiei botere,
eta gorde berezitasuna
kontuz nor duzun errege!

Aurpegi berdinak dira nagusi
gaur egungo gizartean.

Non desberdina arraroa den,
zer daukazu zuk barnean?

Askok dute zorion faltsua
zer egingo bitartean?

Gizartera egokitu, ala
esperantza bihotzean?

Ez zara onartua izango
emango diezu “pena”,
baina denen artean bakarrik
zu, berezia zarena,
lortuko duzu zu izatea,
ez betirako haiena.

Piztuta jarraituko duzu zuk,
lurretik altxatu dena.